



Pou Piblikasyon Imedya: 22/12/2021

GOUVÈNÈ KATHY HOCHUL

GOUVÈNÈ HOCHUL SIYEN YON LEJISLASYON KI ABÒDE INEGALITE NAN TRAVAY AK SWEN SANTE POU FANM

Lejislasyon (S.6572/A.529-A) founi pwodui pou règ gratis pou moun ki gen règ nan abri pou sanzabri yo

Lejislasyon (S.4827/A.7315) bay Depatman Sèvis Finansye a enstriksyon pou revize benefis ki kouvri ki gen rapò ak akouchman

Legislation (S.531-B/A.530-B) bay Kòporasyon Developman Iben an enstriksyon pou mennen yon etid konsènan asistans fanm ak moun koulè yo bezwen pou pouswiv karyè teknolojik nan domèn STEM yo

Gouvènè Kathy Hochul te siyen jodi a lejislasyon ki abòde plizyè difikilte fanm ak moun koulè yo ap fè fas. Pwojè lwa sa yo abòde inegalite nan travay ak sante, soti nan asire aksè ak bon swen pou règ rive nan ankouraje plis fanm ak minorite yo nan domèn Syans, Teknoloji, Enjeniri ak Matematik (Science, Technology, Engineering and Mathematics, STEM).

"New York dwe kontinye brize baryè pou fanm yo ak konbat inegalite nan tout eta nou an", **Gouvènè Hochul te deklare**. "Lwa sa yo pral abòde yon seri pwoblèm enpòtan, ki sipòte karyè STEM yo ak ede asire ekite ak aksè nan sante pou fanm".

Founi Pwodui pou Règ bay Sila yo ki nan Abri pou Sanzabri

Lejislasyon (S.6572/A.529-A) founi pwodui pou règ gratis pou moun ki gen règ nan abri pou sanzabri yo tankou sèvyèt ijyenik, tanpon ak pwotèj kilòt. Pwodui pou règ yo kapab pa abòdab pou sila yo ki déjà gen difikilte. Pwojè lwa sa a bay pwodui sa yo gratis pou sila yo k ap viv nan abri pou sanzabri yo pa gen pou rekouri ak altènativ danjere ki kapab lakòz enfeksyon grav.

Senatè Michelle Hinchey te deklare, "Aksè ak founiti pou règ se yon nesesite sante fondamantal, poutan nan prèske chak kominate atravè eta nou an, gen moun ki pa kapab pèmèt yo achte pwodui pou règ — yon dilèm ke okenn moun pa ta dwe gen pou fè fas. Nan abri yo atravè zòn riral ak rejyon nò New York la, pwodui pou règ yo se youn nan bagay yo plis mande men ki difisil pou jwenn. Lejislasyon sa a pral chanje ak asire sila yo ki nan bezwen kapab jwenn aksè ak pwodui pou règ yo pou yo ka rete an sante

ak viv avèk diyite. Mwen vle remèye Gouvènè Hochul dèské li siyen lejislasyon enpòtan sa a epi patnè mwen Manm Asanble Linda B. Rosenthal dèské li defann pwoblèm sa avèk mwen".

Manm Asanble Linda B. Rosenthal te deklare, "Povrete nan zafè règ la reyèl epi li afekte moun toupatou nan peyi a, enkli isit la nan New York. Anpil fanm ki gen revni fèb ki pa kapab pèmèt yo pwodui pou règ dwe deside chak mwa si pou yo achte manje oswa pwodui pou règ. Se yon desizyon okenn moun pa ta dwe oblige pran. Nan bay moun ki nan sitiyasyon sanzabri aksè ak pwodui pou règ gratis, n ap asire yo pa retni yo epi y ap kapab patisipe nan travay, edikasyon ak lòt aktivite. Lè fanm yo ap dirije, pwoblèm tankou asire aksè ak pwodui pou règ yo nan premye plan. Mwen rekonesan anvè Gouvènè Hochul dèské li siyen pwojè lwa sa a. Apre plizyè ane ap travay pou atenn ekite nan zafè règ, mwen kapab wè efò nou yo pou rann tanpon gratis finalman kòmanse pote rezulta".

Kouvèti Swen Sante ki gen Rapò ak Akouchman

Lejislasyon (S.4827/A.7315) bay Depatman Sèvis Finansye (Department of Financial Services, DFS) a enstriksyon, an konsiltasyon avèk Depatman Sante (Department of Health, DOH) a, pou prepare yon rapò avèk rekòmandasyon sou analiz benefis ki kouvri yo ki gen rapò ak akouchman ke founisè asirans sante yo ofri nan Eta New York. Analiz sa a pral gen ladan egzaminasyon dire sejou, depans pasyan a kouvri ak ranbouse bay founisè yo ak benefis siplément ki ofri yo. Pwojè lwa sa a pral travay pou revele depans kache yo ak disparate yo nan pouvantaj konpayi asirans yo ki kouvri akouchman an te negosye, epi detèmine si estanda yo nan eta a dwe adopte. Konpleksite sou tarif swen sante yo pa ta dwe ajoute plis estrès pou nouvo paran yo pandan yon peryòd lajwa konsa.

Senatè Julia Salazar te deklare, "Moun ki ansent yo fè fas ak anpil sitiyasyon enkoni, ki souvan lakòz anksyete ak ensètid. Youn nan sa yo se difikilte anpil moun fè fas nan detèmine depans yo pral gen pou kouvri pou akouchman. Pwojè lwa sa a soulaje preyokipasyon sa nan egzije Depatman Sèvis Finansye a pou etidye ak fè rapò sou kouvèti konpayi asirans yo founi toutbon nan New York pou sèvis sa yo. Mwen apresye rekonesans Gouvènè Hochul sou bezwen sa a dèské li siyen pwojè lwa enpòtan sa jodi a".

Manm Asanble, Chantel Jackson, te deklare, "Sante matènèl te gen gwo enpòtans nan peyi a ak isit la nan Eta New York, piske gen plis bagay ki dwe fèt toujou pou konble lakin nan mòtalite matènèl pami fanm koulè yo. Ras, povrete ak diskriminasyon toujou jwe yon wòl nan swen matènèl ak opsyon akouchman ki disponib epi ki ofri ak fanm koulè yo. Lejislasyon sa a pral konsantre sou kreye yon etid ki pral pote limyè ak pi bon konpreyansyon sou benefis asirans aktyèl yo ak kouvèti ki gen rapò ak akouchman. Lejislasyon sa a pral ede idantifye ak abòde domèn kote estanda kouvèti asirans yo dwe revize pou pi byen sèvi swen sante matènèl fanm ansent yo anvan, pandan ak apre akouchman".

Move reprezantasyon nan STEM

Lejislation (S.531-B/A.530-B) bay Kòporasyon Devlopman Iben an enstriksyon pou mennen yon etid konsènan asistans fanm ak minorite yo bezwen pou pouswiv karyè STEM yo. Kòporasyon Devlopman Iben an pral travay avèk Depatman Edikasyon Eta a ak Depatman Travay pou detèmine kantite asistans yo ta dwe bay nan distri lekòl yo, lekòl publik endepandan yo, BOCES ak lekòl prive yo pou devlope pwogram nouvo epi amelyore STEM aktyèl la nan klas 6-12 ki gen ladan eksplorasyon karyè, opòtinite pou akeri konpetans teknik ak patenarya avèk pwogram edikasyon ak fòmasyon apre segondè. Fanm ak minorite yo vreman mal reprezante nan STEM, souvan akòz yo pa te ankouraje yo depi bonè. Nan yon ankèt 2010 ke Bayer Corporation te reyalize sou fanm, chimis ak enjenyè chimi minorite yo, 77 pousan te di yon bann fanm ak minorite pa fè pati mendèv STEM Etazini akòz "yo pa te idantifye, ankouraje oswa edike yo pou pouswiv etid STEM yo bonè". Pwojè lwa sa a pral ede idantifye kalite asistans ki nesesè pou ankouraje plis fanm ak minorite yo antre nan domèn STEM.

Senatè Anna M. Kaplan, te deklare, "Anpil anplwayè nan ekonomi teknoloji depwent, global la gen difikilte souvan pou jwenn ase moun kalifye pou okipe travay ki mande bon konpetans ak peye byen, epi mendèv la pa te janm reflete divèsite kominate nou an toutbon. Li lè pou nou ede plis jèn fanm ak moun koulè pou pouswiv karyè nan domèn syans, teknoloji, enjeniri ak matematik epi nan ankouraje gwoup ki mal reprezante sa yo pou pouswiv etid STEM yo, nou kapab bay pi gwo opòtinite pou moun ki pi jèn yo nan kominate nou an epi konble yon bezwen esansyèl pou travayè konpetan nan domèn ki gen demann nan ekonomi a jodi a. Pwojè lwa mwen an avèk Manm Asanble Rosenthal pou etidyé kijan pou nou pi byen ede fanm ak minorite yo pou jwenn aksè ak karyè nan STEM yo se yon apèn yon kòmansman, epi mwen remèsye Gouvènè Hochul dèské li siyen li."

Manm Asanble Linda B. Rosenthal te deklare, "Nouvo lwa sa a pral ede ogmante kantite fanm ak minorite k ap pouswiv karyè nan teknoloji. Pandan kèk nan travay ki grandi pi rapid ak peye pi byen yo se nan domèn STEM, kantite fanm ak moun koulè ki anboche nan domèn sa yo kontinye rete ba. Yon pi bon konpreyansyon sou disponibilite sibvansyon ki konsevwa pou ankouraje moun ki pa byen reprezante yo pou pouswiv yon karyè nan STEM enpòtan pou ede inifòmize règ jwèt la ak asire aksè ak travay ki byen peye epi ki se etimilan entèlektyèl. Yo te mete veto sou pwojè lwa sa a nan tan pase, epi mwen apresye Gouvènè Hochul dèské li wè enpòtans li epi siyen li".

###